

صاحب و مدیر مسئولی
قبرسلی درویش وحدتی

سر محرری جال حسنی

امور تحریریه ایچون مدیر مسؤله
اداره یه متعلق مسائل ایچون مدیره
مراجعت اولنور

آدره سی :

وزیر خاندن ۱۴ تومرو

فولکان

Journal „VOLKAN“

مدیر و محرری : ولی الدین
ابونه فیثاقی
ملک عثمانیه ایله بلغارستان بوسنه
هرسک مصر ، قبرس
وکرید ایچون
سنه ۱۲۰ آتی ایلی ۷۰ غروشدیر
استانبول ایچون سنه ۱۰۸ غروش
اعلانات طرفینک رضاسیله
قرارلشدیریلیر

نسخه سی ۱۰ پاره

انسانیته خادم دینی سیاسی بومی غزنده در

نسخه سی ۱۰ پاره

ناجی

شورای امتک اولکی کونکی نسخه سنده ،
مطبوعات رزیه سرلوحه سی آلتند حکماء
افرنجیه نك جل حکمیه لرندن برزمین بوله رق
« جهاده قتل ، سربستی به شرت ، آتش بوجکنه
وولقان » قلمچیلرله کرک سربستی به ، کرک
وولقانه اب ایوجه آتدک طوتدک . وولقانی
آتش بوجکنه تشبیه ایتدک .

بزم نظر من دعا حقائق اشیایه معطوف
بولندیغندن قطعاً داریلله یز .

لکن مطبوعات میانده بولندیغمنزدن ،
مطبوعات اوله ملوث ، ایکنج ، مغایر آداب ،
مخالف اخلاق ، تعبیئاتله توصیف ایدیشکنزه
قارش « وولقان اکثریا جبال سما پایده
بولونور ، اکا قارش چیقاریلان صدا ، حرفیاً
صاحبانه انکاس ایدر ، دیرز . وولقاندن کی
آتشله ، آتش بوجکنده کی نور ، کیفیت اعتباریله
بردر .

وولقاندن پک اوزاق بولندیقدن
باشقه تصر نظره ده مالک اولدیغیکه دلالت
ایدرکه : وولقانک صاوردینی حقیقت آتشری
کوزیکه آتش بوجکی قادار کورونمشدر .

واقعا برکوتو بینه کوره اک بویوک نور ،
سونه چک کی کورونور .

« وولقان » آتش فشان ، فعالیت سایه سنده
پایدار اوله جقدر ، هم پایدار اوله جق ، هم ده

ملته بویوک بویوک خدمتله کوره جکدر .
تدریجی اوله رق مملکته کیرن اخلاق
فرنگیه بی سوکوب آندجق ، یرینه اسکی مسلمان
نلرک عاداتی اسکی عثمانیلرک غیرتی ، نباتی ،
ایمانی ، ایمان کاملنی صوقه جقدر .

اولاد وطنی اجنبی مریدلرینک کیرلی الای
ندن الوب مسلمان قادیلرینک ، اما نصل مسلمان
قادیلرینک ، مریم وفاطمه سیرت : دارالمعلماء
تده اوقومش ، اخلاق اسلامیه بی طاقینمش ،
عقیقه ، نجییه ، صالحه مسلمان قادیلرینک
الارینه ویره جکدر .

ایشته بویله تربیه سلامیه و ملیه کورمش
اولاد وطنک ، قلمندن چقیمش ائارده
اسپنسرلرک ، فویدلرک ، تولوستوویلرک ، ایکی
چوروک جله سی یرنه ، ابن الرشیدلرک ، ابن
سینالرک ، قاربیلرک شیخ اکبرلرک ابن ادملرک
محیط افکارینک زمینی دیمک اولوب ، کتبخانه لرده
طوپراقلر ائتده قلمش وفرنکلرک بر دانه سی
الده ایتمک ایچون خیویه ، بخارایه ، هندستانه
والحاصل دنیانک ، اسلام کتبخانه سی بولنان
هر طرفه ، قوشه رق ، بیکرله التونلر ویره رک
الده ایتدکلری اوخزاش معرفت اولان . ائارندن
استنباط اولغش ، حقائق کورونمشده ، دائماً
اوماضی مظلمه بزه بر سراج هدایت اولان
دهات اسلامک اسمی مبارکله لرینک ذکر اولغشده
صوک نفسنه قدر غیرت ایده جکدر .

وولقان

حیله لر ، خدعه لر یاخود
فرقه احراره هجوم

طاین ، بوسودای تفرده تأسس ایدن جریده ،
بنه بوکون باش مقاله سنده فرقه لر ، مسئله لر دیه
باشلایه رق مجلس مبعوثانده برده سوسیالیست
فرقه سی بولندیغنی ، فقط ، مملکتک ایجابات
طبیعیه سی بزده هنوز سوسیالیست مسالکی تولید
ایده چک شکلده بولندیغنی ، سوسیالیستلرمن
انجق اوروپانکیلره اوزغمه قیلاندن وجود
بولمش اوله جقلرینی ، بناء علیه ، بونام ایله اخذ
موقع ایده چک فرقه نك « مقدرات مملکت ؟ »
اوزرنده برتأثیر اجرا ایتیمی قطعاً ملحوظ
بولندیغنی سرد ایتدکدن وشو عهدانده مقصدینی
صاقلامش اولدیغنی ظن ایتدکدن صکره ، برده
فرقه احرار دن بحث اولنور . دیه رک فرقه
احرارک ذاتاً یک تشکل ایتدیکنی ، استانبول
انتخاباتانده موفق اوله مدینی جهته له مجلس
مبعوثانده کنديسی تشیل ایتدیره میه چکنی بیان
ایتمک صورتیله ، هر فرقه ده هر صاحب دهابه
اووجنده کی قارای سوره رک هرکسه بریوز
قاراسی نشانه سی برافقه جالیشدینی کی بوسفرده
آچقدن آچیفه احرار فرقه سنده اسلامیت ده
قطعاً قبول ایدیله میان سوسیالیست کله سیله
هجوم ایدیور .

بر میراث یه دینک ثروتنه کوز دیکه رک او
میراث یه دی بی اغفال ایدرک مالندن استفاده



ایتمک نه قدر مذموم ایسه ، برملتک اعتقادات صافیه سنی ریاکارانه سوء استعمال ایتمک چالیشیق حیثیتیه تأمین آماله غیرت ایتمک ده عینیه اونسبتده مقدوحدر .

مسلمکمز انسانیته خدمتدن عبارت اولدیغندن هرکیمک حقوقنه تجاوز ایدلدیکنی کوررسمک منه ، تصحیحه . تألیفه چالیشیه جفز ، امید ایدرز که : فرقه احرارده ، بوسوسیالیست تعبیر فرنکیسنی رد ایلرلر .

دها اشاعیده ده مجلس مبعوثانده اسلام ، خرسیتیان یاخود روم ، ارمی . بلغار الخ . . . فرقه لرلی تشکل ایده جگمی ؟ بوکا احتمال وبره . میورز . دیور .

احتمال ویرمک دوشونوبده ، دائماً اکاکوره حرکت ایتمک دور بینلکدر .

ترک دیسلوماتلرندن قبریسللی بلیغ پاشا ، انقلاب اشناسنده نشر ایتدیکی « امکان بالملکین » نام رساله سنده ، انقلابک وقوعنه حیرت ایدرک ، « بوقدر اهمیت وصعوبتلی حق اوروپالیلرکا بیله حیرته براقان بومستله یی ، تصور دن خارج بر سر عتله ، سسلسز ، صداسز ، قیلی جور دن چکوب الیر کی الده ایتمک ، یالکیز عثمانلیلرک متبصرانه حرکتلرینک ثمره سیجیدر ؟ یوقسه بوده صولاریعزی بولادیلرارق ایچنده اصحاب مفسدتک ایسته دکلری بالی اولامق ایچون قورولمش ، یاتسه یل اولمش بردولاب مفسد تمیدر ؟ » دیهرک الک خرده ، بلکه واردر خاطر بیله اوله . میان قورقولری میدانه قویه رق ینه رساله سنده « ای خرسیتیان عثمانلیلر ! اسلام عثمانلیلره بغض وعدارت ایتمه یکن ! »

بوکونی کونده قانون اساسی سانه سنده ستره او اسکیدن وطن بیلدیگمکز قطعه ایله برابر ، حاضر قورولمش ، تقریباً اوروپا قدر واسع ، منبت ، دلو خیرات ایله طولو برایمراطورلق ویرلدی . هپسی بردن هپزک اولدی ، مبعوثانغزه ایستدیگمکز کی اداره ایده جگمز . دیور .

برفرده . بر جمعیتیه بر نصیحت ویرلیمی . مطلقاً او فکوره بر شهبه وار دیگدر شمعی

طنینک ده ، عناصر مختلفه دن ده فرقه تشکل ایده جگنه احتمال ویرمامسی . فرقه تشکل ایتمک ممکن اولدیغنه دلالت ایدر ، یالکیز آنلر بر اشوب ده عناصر اسلام متحد بولنسه ، نه بلیغ پاشاک نظریه سی بزی قورقوته ییلیر ، نه ده عناصر خرسیتیانیه نک بزدن ایلرولمنسه اهمیت ویریلور .

فقط ، آه فقط . بزجه معلوم اولان اوله فرقه لر اوله جمعیتلر تشکل ایتدی که : اگر چاره عاجل بولمنزه — بودفه کی مجلس بلکه بر موفقیت ابراز ایدر — انجیق کله جک انتخابده یاخود کله جک سنه کی انتخاب ده اوله وقعه ظهور ایده حک که : بلیغ پاشاک خیالات سیاسییه سی حقیقت شکله کیرمه نک احتمالی واردر .

ایشته بو خطاک منبعی طنین ، وطنین کی خود بینلرک هرکسه انسان نظریه باقامسندن ایلرو کلیور اه انجاقی خیر ایلسون . وحدتی

اقدام رفیقمره

مطبوعات عثمانیه نک ، دینیه بیلیرک : کافه سی سربست وحریتپرستدر . انکار اولنه مزکه : سربستی ایله وولقان حریت وادیسنده ده از یاده آت اویناغنه میالدر . جسور ، غیور حق یولنده فداء جان حاضر سواری هاجدر .

برحاله که : اتحاد وترقی جمعیت محترمه سنه قارشى هر فرد اسکی زمانده کی قورقو ایچنده ایکن ، بولرله اوقلعه آهینسه هجوملر کوستمدرک — اولجه مکتبدن ارکان حرب اوله رق دکل ، یالکیز بر ملازم ثانیلکله چیقدیغی حالده آرزمان طرفنده قائم مقاملغه قدر ترفع ایدن ، قوردونلر طاقان بر ذات کی کیمسه لرک ؟ احرار امتدن اولمی ، هله بوکیلر جمعیتک سرافرازانندن عداولدیغی حالده منفالرده ، مصرلرده برچوق خدمات ناموسکارانده بولنلرک جمعیتک قپوسنه بیله اوغراتلمامسی ، بولرله حقارت نظریه ده باقیلمسی ، سربستی ایله ، وولقانک نظر دقتی جلب ایتمش وملتیه بیوک خدمتلر ایتلری ایچون جمعیتک سالانیک مرکزینی انقراطیه تشبث ایتشددر .

بوقسه اقدامک « اتحاد جمعی مبعوثان » سرلوحه سی التنده یازدیغی سوزلر بزم غاطر یزدن بیله کچمامشدر .

اوت : سرتک ده بزه برشی دینلکیز یوق فقط ، وقتیه میزان رفیق محترمه مزک اوسردار حریتک ، کندولرینه هر ملایم ککن شیئی قبول ایدرک ، — لکن ، کال صمیمیه کندو . لرینک خبرلری اولدیغی حالده اونده ، بریده تشکل ایدن جمعیتلره تامس ایتمی بزدن — کورمدیکی فلاکت قالدیغی اشکار اولدیغندن ، شمعی بومقاله کزه قارشى سکوت ایتمه من . بزجه محذور دن سالم دکدر .

بناء علیه : بزم مقصد من جمعیت محترمه نک داغماو خودی هم ده متین اساسله اسناداً یایدار اولسیدر .

حلمی پاشاک دیدیکی کی ، اومطاف احرار اولان سالانیکلک ده دائماً مرکز بولمنسیر .

ینه مقاله نک اشاعیلرنده قانوناً جیت خفیه سیاسییه نک و خودی غیر جائزدر .

وجعیتک بر شکل قانونی المی یچون بر جمعیت علنییه شکلنده تشکلی لازمدر دینیلور .

اوت : بزه سزکله هم افکار . انجیق بر ربع عصر صکره : زیر ملکته معرف حقیله ترقی ایتمک ، وهیچ اولمزه بر بطن جدیتیه شک ایچون اوقدر بر مدت انجیق کفیات ایدر . بومدت ظرفنده هر طرفدن اسباب ترقی به درت ال ایله یاپیشیلرسه : بویله اولمزه ندریم عصر ، کافی کلور ، نه ده نصف ، اما : قانوناً جمعیت خفیه سیاسییه جائز دکل ایش اکا بریده جگمز یوق .

جمعیتک کوره جک ایشلری پک چوقدر . بلغارستانک ، صربستانک ، یونانستانک ، اوستریانک ، قره طاغک بزمه اولان مناسبات هم جواریلرینی دوشونور ، وسنه لرده بری روم ایللی ال قانلره بویان اشقیا چته لرینو نظر دقته الیرسه ق ، ایلروده ایرانی ، بلکه روسیه یی ده درپیش تأمل ایدرسه ک ، بر جمعیتک مملکته نه قدر لزومی وار نه قادار ؟ هله یونانلرک بیوک فکر ،